

B. N. C.
FIRENZE
1064
23



Misc. 1064 23



~~XV~~ XII.

HARD.

1064

23

MENS ARISTOTELIS

JN PRIMO METEORORUM LIBRO

Ad Veritatis lancem trutinatur

AT

A MICHAELE ANGELO

FARDELLA

DREPANENSI DOCTORE

In Patavino Gymnasio Meteoꝝ, & Astronomiam
Proficiente.



Meteororum libros haud temerè interpretaturus, quid
in ijs senserit Aristoteles, quave ratione suffultus,
exponam; puriore tamen indagine, quantum Natura,
atque experimentis assentiatur, exquiram: plura quippe acutissi-
mum illum Veritatis assertorè latuere, quæ Natura novo expe-
rimentis radio illucente maturius revelavit. Ubi itaque Stagyri-
tam Veritatis contubernalem invenire fas erit, libentissimè cum eo
persistam; ubi verò fortasse devium intuebor, pedisequum Ari-
stoteli ingenium devovere, sacrum mihi non erit. Philosophus
namque tamquam Index universæ Naturæ Codici respondet; at si
quandoque, quod indicat Opes non consentiat, Indice posthabito,
Codex ipse accuratiorè diligentia erit evolendus. Quod assequar
geometrica ab anno elapso instituta Methodo; & Primum Meteoror-
um Librum, texturæ, quam sequens ordo explicabit, aperiam,
& exsolvam.

Ari-



Aristotelica Hypothesis de Mundo ex quaque Corporibus simplicibus, Coelo videlicet, atq; Elementis comparato accuratè expenditur. In singulis verò Corporibus hisce indiscriminatim pro Meteoris gignendis effluvia, alterationes, ac mutationes deteguntur, quibus & laborare sydera, & inter ea Solem Ignem esse demonstratur.

Inde statuitur Corpus omne sive sensile, sive sensum effugiens perpetuo effluvio, & propria Atmosphæra pollere, in qua quodque sua peculiaria Meteora procreare non desinat.

Pro firmanda Evaporatione, Corporis notitia Analyticè exquiritur, primum, & radicale eius attributum indagando, à quo cætera profluant.

Oritur hic occasio divisibilitatem Materiæ; Universique plenitudinem pro mente Aristotelis acriter sustinendi; spatiola inania, seu Vacuum disseminatum Gassendi, Borellij, atque Newtonij, necnon individuas Democriti atomos expugnandi.

Unde innotescet, Corpus nunquam propriè Unum esse, sed suapte natura multiplex; solidasque atomos ab evaporatione, atque effluvio abhorrentes in Universo repugnare.

Detecto Corporis attributo primo, & radicali, patebit effluviū, eiusque in partes subtiliores exspiratio.

Ad claram Mentis aciem accurret Immensum Corpus Mundi, accedente motu locali, in subtilissimas particulas effractum, à prima sui constitutione, atque origine fluidum: ex qua fluiditate localis omnis motus gignitur, atque in cætera corpora distribuitur.

Cuius motus singulæ leges ad arcana Meteororum Principia eruenda sollicitè tradentur.

Ideoque Corpora solida à Materia fluida originem trahere, perpetuoque recurso volatilia in fixa, & versa vice Fixa in volatilia reverti, clarum erit.

Qua

Quæ perdurant & recurrente, Corporum particulae diversimode modificantur, & configurantur; indeque inter eas emergit Rarus, Densum, Luminosum, Diaphanum, Opacum.

Ad eumque modum singula Elementa exoriuntur, atque efformantur.

Inibi abstrusiora Problemata circa Ignis, Aeris, Aquæ, atque Telluris naturam: circa Salium, Sulphurum, Mercurij, aliorumque fossilium proprietates enixis viribus persolvetur. Ibi de Alchali, & Acido, plurimumque Aquarum, solventium, fermentorumque speciebus non incuriosa quædam agitabuntur.

Proinde ad Elementa redeundo, nulla inter ipsa, & sidera substantialem differentiam intercedere, ad sensum usque deducetur.

Interea ex Mundano Corpore effluente fluidissima, ac tenuissima quædam substantia exprimitur, varium apud Authores nomen sortita, quippe a Cartesio Materia subtilis, Æther ab Aristotele, Anima ac Mundi Spiritus à Platone, Archæus Universi, & Menstruum universale à Spargiricis nuncupatur.

- Eius naturam, atque vim singula corpora solventem lucanter evincemus.

Infringenda namque plurium Recentiorum opinio, quibus Ætherem esse Fluidum continuum, compressionis, rarefactionis, cuiusque alterationis expers constanter arrisit.

Et sustinenda potius sententia, quæ Illum esse demonstrat Fluidum discretum ex infinitis partibus distinctis constans, alterationibus obnoxium, quod proinde in fixa, atque solida Corpora incessanter convertatur, & ex quocumque Corpore extrahatur.

Hinc eius efficacie, & elaterij beneficio natura Fermentatio-

tationis exponetur; ex qua Corporum evaporatio, & efflu-
vium necesse est consequantur.

Et inde occasione arrepta de natura, efficacia, & subtilita-
te effluviorum disertè agendum; ubi insigniora Problemata
pro Magneticis, Sympathicis, ac Morboſis effluvijs erunt
enodanda.

Effluvijs hiſce in medium ſine ulla oppoſitione vāganti-
bus proximam ſingulorum Meteororum materiā habebi-
mus, & rationem, qua in ſuprema Aeris regione, iuxta
mentem Ariſtotelis, Meteorica Corpora efformantur: cam-
que Chimiæ operationibus, atque Mathematicorum machi-
nis conſentaneam oſtendemus.

Quoniam verò in cuiſmodi Meteoris colorum ludos in-
ſpectamus, ad luminis refractionem, atque abditiſſimam co-
lorum cauſam ſermo vertetur.

Miros Cometarum ortus, paſſionesque perſcrutabimur;
& quæ de caeleſtibus Comitis è ſolaribus maculis fabrefa-
ctis noſtra erit ſententia; invicta diſputatione proferetur.

Obtutum deinde, cum Peripatetico, deſcendentes, ad
Pluviam, Nubes, Grandinem, Nivemque convertemus,
amæniſſima quæque de ijs inquirendo; ibique Glaciem, &
Aquæ coagulationem non frigide tractabimus.

Rivos tandem meteoricos Primi Libri cum Ariſtotele
claudemus, Fontium, & Fluminum, originem detegentes.
Incidet ſermo de Diluvio.

Præcellentia Hydroſtaticæ Problemata ad fluidorum
pondus, æquilibrium, & elaterium ſpectantia ſolvemus
atque (quod Phyſico-Mathematicum decet) Aquarum
ſæpentiſſimam menſuram accuratiùs inventa tradetur.

anno ab Orbe redempto 1694. & 1695.

1064 23

Z

9 957713

1062.23





